



家墓

家墓

城縣

楊氏陵在府城西北二十里陵前有聖水并早禱輒

應景祐四年重修有碑明萬歷二十年巡按御史

楊氏民祿縣建廟一統志

按白海經云鮒魚山顯頊葬其陽九嬪葬其陰皇

靈天造頊為楊氏葬候陽頓邱門外廣陽里山故

顯頊山一名廣陽山其地在廣陽里也帝王世

是曰顯頊葬東鄉頓邱城南廣陽里大塚者是也

宋書志曰白海又北逕白祠山東歷廣陽里逕

靈臺西俗謂之殷王陵非也元和志曰顯頊塚在

顯頊城北三十五里歷考書傳所說皆同舊志乃

謂京楊氏陵地志數處并見不省所謂矣其所以

謂也此考古東郡治濮陽且東郡在濮陽氏

治聊以故後

治聊以故後

大清康熙丁巳年
刻
白鹿志卷四十五
家墓

音韻
書韻
齊北集

傳故迹也故載之

重修高陽陵廟記按一統志載帝顓頊高陽
也前代祀帝者多在焉本朝亦有祀典在東郡
廟民間稱為聊古廟者是也廟前井號聖水泉
高陽應父老往往傳其靈異尤著山海經云顓頊
附魚山之陽九嬪葬其陰皇覽云濮陽頓邱門
外廣陽里中附魚山不可考而今濮州無帝陵則沿
季紀載亦互異矣獨奈何崇彼而廢此耶舊環陵有
田二頃餘存者尚二十餘畝則前代禁樵牧奉蒸嘗
設人守陵戶應不異澶州南大宗伯姜公纂大政編
載帝葵濮陽注云今東昌府西又似以此為是者嗚
呼士善蓋一鄉澤在一國皆得而食其報况聖帝明
王開物成務參贊化育功德於天地日月同其廣博
然久何可以一方限也召伯循行南國或舍甘棠之
下民有遺思焉帝之神化何啻召伯而形魄之藏寧
獨甘棠之足以繫思哉黃帝之葵橋山禹之葬會稽

東昌府志

卷之四十五 冢墓

二

者皆衣冠耳舜葬九嶷而祀在河東聖神德澤何地
不流而其神亦無往不在因其可依據者誠以格之
是旦暮遇之矣且無論天下即環百里內諸鬼神祠
宇無慮數十百所歲時修葺未有廢者而此廟獨荒
蕪傾圮此父老之所以過而嘆息而饑饉水旱之災
歷年靡有寧也萬歷庚寅春夏天下大旱而東省尤
甚巡撫都御史宋公檄郡邑求所謂聖水泉者禱之
郡守田公肅僚屬禱祀焉慨然欲修飾之而以歲歉
未果請無何巡撫御史鍾公歷東郡與守巡大參蔡
小憲副詩公親詣焉乃從郡邑之請捐金修葺計
西蓋中肖帝像傍列宮官文武臣各二環以周垣門
屏濬聖水泉以亭覆之擇黃冠守奉香火給以餘田
郡邑大夫具牲醴拜奠廟下而士民趨走來謁有泣
下者隨亦雨遍四境卒成有秋而廟前後十餘里間
沾沾足優渥帝之神爽誠依於此而感應之說信非
虛矣昔漢立五帝祀顓頊項以水德為北方之帝配以
云宮井之靈異無乃水德之應與考史顓頊者黃帝
之孫而虞夏之所共祖也才子八人是謂八愷其後

苗裔爲楚爲越爲秦爲李唐五德之運隨時而變
月所照莫不祇屬區區稱水德以爲北方之帝拘甚
矣於是益知陵廟之在澶州與東郡者尤不必辨其
是非而軒輊之也信哉修舉之不可已而巡撫監司
郡邑守令之爲社稷蒼生祈福澤也非細矣若其濶
先之莊嚴之復其祀典而春秋莫獻之可次第舉焉
先是父老以早故多言廟當修邑司訓陳君黃裳以
修邑志議復祀典余時感其言嘆興慶固當有時與
機也舉事而鳩工飭材成於不日亦足以明帝之至
德感人心於不窮矣嗟夫自非精誠洞徹達古今而
通幽明者亦何能舉既廢之典而定疑似之見哉是
不可以無記余因郡守之委記之而諸公之有事於
廟者鄉貫職名俱列碑陰以示不朽云萬歷十九年歲次辛卯正月

堯冢

今東阿縣城次鄉中有堯冢郭璞山海經注

東昌府志 卷之四十五 冢墓

按堯陵在濮州非此也此出郭璞注語亦晉以來
相傳故迹今東阿與聊城壤土相入聊城有無影
山世稱堯冢故載之

巢父墓在府城東南十五里舊聊城治十字街東南永樂

舊志

殷微子冢

東平壽張縣西北三十里有故微鄉魯邑也杜預曰

有微子冢

按聊城有微子城所謂微鄉也南與壽張接壤

秋下莊子墓在聊城縣界內一統志

魏國聶政冢烈士刺韓相者實宇志

晉劉實墓在府城東二十五里一統志

唐吳隱之墓在聊城縣界內一統志

金五女墓在縣治迤西一里許金李佐時為之贊姓氏

未審世傳同父之女五人無兄弟誓不嫁孝事父母

死同穴而葬永樂舊志

明鄧游墓在城南龍灣迤南

敖山墓在府城西

東昌府志卷之四十五冢墓

四

耿明墓在城東隆興寺前

牛天麟墓在沙鎮

許成各墓在城南龍灣

田濡墓在城西康家營西南有子慎行表以下採訪

丁懋儒墓在城東

王汝訓墓在沙鎮東南

傅光宅墓

逸中立墓

姚鏞墓在城西康家營北

路邦墓在城西南齊謙德屯

朱元禧墓在城東南會通河東

許其進墓

耿如杞墓在城西郭家樓

指揮鄧之榮墓在城南雙嶺邨

耿章光墓在城西

鄧守清墓在城南

鄧守漸墓在城西南齊謙德屯

國朝傅汝克傅天榮傅思誠墓在城南有李蔚表

傅以漸墓在城南

東昌府志

卷之四十五 冢墓

五

任克溥墓在城北會通河東

朱予昇墓在沙鎮南

孫肇興墓在城南于家坊

鄧秉恒墓在城南止園西有張榕端誌銘

陳鈞衡墓在城北有鄧秉恒碑

朱訓誥墓在沙鎮南

劉元運墓在城東

耿如杞墓在城西

鄧元燮墓在城西

香墓在城南

方苞東昌鄧嶧亭墓表雍正十三年夏東昌鄧鍾岳
將告歸以曩所述贈君及田太安人行畧示余曰吾
故知子於誌表之文雖親收無假非敢以私請也將
以入宗譜惟子討論焉發而觀之皆庸行所宜然有
難焉者君十載喪母嗣喪繼母至再父歿承重喪大
父母哀麻不絕於身者近二十年皆能盡情以赴於
禮其為國子監學錄年未及三十丁內艱念大父官
閩南父官代北代父服勤說養遂不復補官余嘗過
軍昌無老少皆稱鍾岳孝悌修飾具言其家法雖未
嘗目君之為人而鍾岳所述之無虛溢可知矣昔余
大父為學官於蕪湖君之夫父參議公適司蕪關降
爵列而為友余與鍾岳未見而相知既訂交果不悖
於所聞其家法之善又親得之於其鄉人故特表而
出之使天下知為人祖父者宜慎行其身以開其子
孫而子孫能賢亦以徵信其祖若父之善行又鍾岳
不以誌表屬余乃所以重其親信於友而余之不能

東昌府志

卷之四十五 冢墓

六

已於言端由於是焉田安人與君比意同力以事親
長歲庚午君侍大父母於家尚父疾赴山右而參議
忽遭疾甚危耶宜人篤老安人承凶臨於別室易衣
奉姑而侍舅疾比參議之終耶宜人竟未知有子之
喪也嗚呼是可則也矣君諱榮哲字騫之號嶧亭以
太學生授鄉縣教諭遷國子監學錄生於順治乙未
年二月卒於康熙辛巳年十月享年四十有七以雍
正元年 覃恩贈承德郎翰林院修撰田氏為東郡
名族支人 歲貢生諱宮芳次女生於順治丙申年三
月卒於雍正癸卯年三月享年六十有八封太安人
子男四人鍾岳康熙辛丑進士一甲第一授翰林院
修撰歷官禮部左侍郎雍正十二年以奏對失辭降
級調用次鍾音雍正丙午舉人揀選知縣鍾序鍾一
雍正巳酉同榜舉人女五人並適士族孫男八雍正
巳巳十一月合葬參

議公墓右第一穴

田宮芳墓在城西高佛堂寺東有鄧鍾岳碑

任士理墓在城北會通河東

安濯拔墓在城東有鄧鍾岳誌銘

鄧鍾岳墓在城南

堂邑縣

墩堠塚在城北五十里大邱峒吻土花斑爛相傳是古

塚通志以爲毛州故城又有謂禹治水時以青泥封

簡使元龜印其上諸說皆妄也按堠字從上必是古

塚無疑

縣志

按山東考古錄曹縣有冉堠乃魏冉塚則堠乃塚之

東昌府志

卷之四十五

冢墓

七

別名也

舊志

宋廉公諤墓在城東北八里明宏治時發地得古磚刻

云宋丞相廉公諤墓按公諤不見於宋史而宋亦無

丞相之稱又磚旁刻云東一箭西一箭黃金兩架無

人見殊俚鄙不可解

以下縣志

金王度師墓舊志云在王莊里有元王暉表見秋澗文

集

元趙至墓在城北五十里羊虎碑表尙有存者

張世忠墓舊志不詳其處但云有趙孟頫碑恐亦不存

舊志作
繼祖墓

邱海墓在城北二十五里兩碑高丈餘翁仲之屬最爲

壯麗有劉允祖碑

邱楫墓在城北有李輿撰神道碑

明郭敦墓在城西十里有楊士奇神道碑

孝子趙巖墓在城東南十五里

蕭淵墓在城東五里有周經表

李元吉墓在城南十五里有許成名誌銘

穆孔暉墓在城北三里有王道誌銘其諭祭文則洪若

東昌府志

卷之四十五

冢墓

八

水所撰

許維新墓在城東五里陳家村有陳繼儒誌銘

定遠將軍墓在城西二十里發地得石銘曰定遠將軍

墓莫詳其時代姓名今因名其村爲定遠寨

張道情墓有董其昌誌銘

墓碑

定平縣

齊王塚一名燕子塚在治南五里許漢吳王濞構七

以齊王不同謀被殺旣葬有燕子啣泥置塚上

故齊王無不同謀被殺事其飲藥死者乃三國兵

後齊王懔舉自殺也至云燕子脚泥則又漢
哀帝太后丁姬事與此無涉不當附會言之 又

按漢齊國都在臨菑亦不當遠葬於此攷漢有濟

北王都盧意者此其所葬與

宋孫氏墓

孫宣公祖墓在城南五里按公後徙居須昌故博平

惟有公祖墓

金耿端義墓在城西二十五里石門屹然尙存其地今

爲耿家莊

東昌府志

卷之四十五 冢墓

九

賈鉉墓在城南舊志未詳其地又西南蒙古人一塚有

翁仲石表

孝子郭綸墓在治西北二里許卽其廬墓處

義士劉俊墓在治東南

在平縣

戰國淳于髡墓在城西二里許知府葉天球表石今青

州登州俱有墓

舊志

仲連墓在望魯店北二里

縣志

在城內

按史記羅無奔齊事其奔齊者非羅也舊志所說

傳譌耳

漢齊王墓在城東南二十里舊志

尹齊墓在博州東五十里永樂舊志

晉師驩墓未詳全上

唐馬周墓在城東一里許康熙二年知縣王晝一重築

金馬定國墓相傳在城南興隆鋪側羅彥洪有詩

濟州太守蔚珍墓在城北十里有李謙碑

元路進權墓在城南十二里

東昌府志 卷之四十五 冢墓

□□墓在城北八里莊縣志 闕名

張氏瑩今不知所在

虞集孝思亭記國子伴讀在平梁生為予言其邑之善士曰張氏兄弟以孝友稱於鄉作亭於先瑩之右手植松柏鬱鬱成林為請於監察御史周君景遠得大書孝思二字以表其處而求文以為記予嘗聞之古君子之為禮也蓋無墓祭夫祭者之於鬼神也求諸陰陽之氣備矣墓也者遺體之所藏也苟於是乎求之豈不可哉而古君子之為禮也而墓無祭者何也凡有國有家者必有寢有廟廟所以祭而墓非祭外也有廟必有主主之始立也三祭以虞之歸必奉諸其廟歲時祀之曰是神明之所依也有禰之廟者自已之兄弟子孫皆至焉有祖之廟者自父之昆弟子孫皆至焉有曾祖之廟者自曾祖之昆弟子孫皆至焉有高祖之廟者自高祖之昆弟子孫皆至焉有大宗之廟者凡族之昆弟子孫莫不至焉者矣是合族

子之深嗟夫古之不可復也然幸而猶有一
子孫皆得以次祔葬歲時上塚則猶得以知其處
此為某親此為某親拜於墓下者孰為某親之子孰
為某親之孫蓋深有維持族姓之意焉後之君子苟
以義起禮則墓亭之設固在所不廢也張氏兄弟奉
宜矣張氏兄弟三人曰通甫曰欽甫曰君甫張氏之
後必有顯者其自
此三子者始與

梁氏墓在城東北一里

吳澄致愨亭記墓焉而體魄安廟焉而神魂聚人子
之所以孝於其親者二端而已何也人之生也神與
體合而其死也神與體離以其離而二也故於其可
見而疑於無知者謹藏之而不忍見其亡於其不可

東昌府志卷之四十五 冢墓

士

見而疑於有知者勤求之而如或見其存藏之而不
忍見其亡葬之道也求之而如或見其存葬之道也
葬之日送形而往於墓葬之後迎精而反於家也一
旬之內五祭而不為數惟恐其不聚也及其除喪而
遷於廟也一歲之內四祭而不敢疎惟恐其或散也
家有廟廟有主祭之禮於家不於墓也墓也者親之
體魄所藏而神魂之聚不在是以時展省焉展省之
禮非祭也近代所謂祭者或隆之於墟墓而畧於家
夫伊川野祭古所深慨習俗之由來漸矣不有禮以
稽其弊則雖豪傑之士亦且因仍而莫察予嘗適野
見車馬蔽道士女盈盈於墟墓之間少長咸集呼號
悲泣彷彿初喪之日亦未嘗不嘉其孝誠之篤而亦
不能不嘆夫古禮之泯也荏平梁潤之篤於親者作
亭墓間以祭夫人為扁曰致愨或者又引祭義以發
其義所云密祭之事非可施之墟墓間也
昔陳仲子之居也亦曰為祠堂於所居場中扁於齋

室族子其可墓在城北
不少善於其子其大太

梁宣墓在城東二里許

明節婦邵氏墓在城東二里許有馬麟碑

馮允中墓在城南八里

李節義墓在趙官屯

楊勉學墓在吳官屯

劉注東墓在城東北二里

曹自守墓在城東三里

張第墓在城東南八里

東昌府志

卷之四十五

冢墓

十三

馬氏墓在城東十里

張文祥墓在城東北十里張後覺父也

張後覺墓在城北十里有丁懋儒誌銘張元林表

孟秋墓在安平鎮有無名氏表

張維翰墓在城北義姑莊

趙維新墓在葉官屯

劉氏墓在城西里許

王國賓墓在城郭外

陳所職墓在城西里許

楊氏墓在城東里許

王昌墓在城東里許

國朝王日高墓在城北八里莊

韓國璽墓在城西南四十里

金氏墓在城西南十二里

清平縣

漢孝德皇甘陵在甘陵故城內

大河故瀆又東逕甘陵縣故城南地理志之所謂厓

也王莽改曰厓治者也漢安帝父孝德皇以太子被

東昌府志

卷之四十五

冢墓

十三

廢為王墓於此乃葬其地尊陵曰甘陵縣亦名焉是

周之甘泉市地也陵在瀆北邱墳高巨雖中經發壞

猶若層陵矣世謂之唐侯冢城曰邑城皆非也

水經注

按元和志云甘陵在清陽縣城內其所稱清陽縣

置於隋卽故甘陵縣也非漢之清陽所說與水經

注同

唐太宗呂才墓今失所在

舊志

後唐明宗陵在城內街中隆然高起

唐明宗崩於雍和殿清泰元年葬河南洛陽號徽陵

統志陵在河南府東北清平舊名明靈寨以當時

明宗屯兵於此後人因呼為陵

舊志

宋王巖叟墓在任官屯

舊志云三元墓

劉桐王公墓記畧公諱巖叟字彥霖宋史載公大名人有宋之時清平諫大名也予蒞清之初謁鄉賢祠見公獨享血食因詢其墳墓及子孫無知者居从之主政高公一登庠生胡子文衡言曰去縣西北二十里有米王成莊莊之西半里許有古墳今已平夷矣相傳卽王公墓所且其莊有王氏甚多未知其爲王公子孫否也予於政暇親往視之召王氏之衆歷詰其由皆曰吾世居此地久矣不知有王公之墓無譜牒可考亦不知爲王公子孫也有一老人名董志賢年八十餘告曰此處有古墳數大塚樹木甚茂一塚爲水所潰一孔內外相通竊視之皆繪畫像俗呼爲花墓疑卽狀元墓也嘉靖初年丈量田地將墳地起

東昌府志

卷之四十五

家墓

古

科王氏之族遂平爲沃壤而耕植之矣迺因其所指而求之果得一塚於泥充初於中制度狹小不甚宏麗似非大臣之葬地開擴視之不得墓誌未敢信以爲公之墓也乃率學校諸公再拜而視之曰先生往矣在天之靈不俱往也冥冥之中寧無一指示乎迺命王氏之童子持一椅任其所置爲樹石之地童子所置適當墓之衝諸公拱手曰此公意也遂立石於其處王氏有曰志禮志智二人免其差徭使守塋墓嗚呼公之墓吾不得其真矣此禍在焉使後人知此爲王公之葬地公也得享子孫之血食清邑之民亦知所景仰也哉是爲記萬歷二

李天佑墓在李官莊

年歲次甲戌季冬之吉刻石

蘇天官故承事鄧象山縣尹李侯墓碑士有負不羈之材

出... 漢之上以策于水軍... 薛北既一

推擇為掾荆湖行省知其才命提領本司案牘尋陞
主事嶺海初定朝廷新命未洽有盜竊發侯從招討
使平之進擢湖廣行省掾交趾自中統初朝廷遣使
諭之彼遂來貢其後負嶮不朝至元二十四年又詔
廣省臣將兵征之侯掌文書從行是冬兵會廉州泛
舟於海次安邦與交人遇斬首三千餘級獲船六十
餘艘追世子至宏縣海口斬首三百餘級獲船二十
餘艘明年春兵次塔山洋與世子戰敗之又戰竹洞
斬首二十餘級獲船九艘轉戰連日數破其衆三月
次白藤港交人橫戰艦江中以拒我師值潮退舟不
能進兵潰侯等被執乃斷其髮或絕其食凌辱困苦
萬方侯執守益堅不少屈屈人之防禁少弛侯脫身
拔歸晝伏夜行投草木實食之數日始達吾境行省
以其事聞時朝廷初改鈔法重其職守以侯提領招

東昌府志 卷之四十五 冢墓

七

輿路平準庫階將仕郎凡再考代者始至元貞初調
衡州錄事民訟於庭立決遣之滿考赴調入京侯以
向陷交趾備極艱苦至是吏部止積日月與從七品
先時行省郎官有以從征升一官者掾之同被陷者
亦受從七品官獨侯循序而進衆為之不平乃自陳
於政府於是即與正七品階承事郎慶元路象山縣
尹兼勸農事邑有豪民二十輩表號龍虎張其聲威
虐民蠹政侯得其奸捕寘於法邑在郡治東南海島
中去郡稍遠有盜數十時出剽掠復乘舟入海官兵
無可奈何侯選邏卒驍勇者親載入海悉擒捕之邑
民始安又差次邏卒勞效薦諸大府賜錢賞官而已
不自為功也民有親喪以不葬者蓋始則泥陰陽休
咎之說上俗因而不改侯以禮勸諭期七日不葬者
罪之或貧不能舉者分俸助之而死者皆得歸藏於
土仕者或歿官所妻子貧而不能存勸好義者用之
嘗言勸農興學王政之始朝廷屢降德音而郡縣視
為虛文夫我則不敢春秋親行鄉社諭民孝弟忠信
祭其勤惰而賞賁之月朔帥僚吏下學聽師生講論

東昌府志

卷之四十五 家世

夫

貧宗人拜哭請以田廬還之其子不受曰父命也吾不敢違相讓既久乃取田十餘畝聞者賢之蓋信侯之廉讓不獨行之於己又能化其家焉銘曰馬也泛駕士或跃弛不有異材疇克任使才難之歎古今所同作而興之用世之功侃侃李侯抱器負奇立志之卓胡寧詭隨往佐戎幕謀畫是賴奮義來歸士氣增隲賞弗讐勞不卑小官志欲有為世方治安年踰五十竟殞其身施不盡有壽及諸孫熒熒諸孫肄業文史周旋臺閣華聞日起孝思祖烈式徵銘章表諸貞石來者勿忘

明商御史墓在城南

縣志

李鏞墓在城南百步許

劉少卿墓在縣西南

張天瑞墓在城西六十里胡李莊內有石門

李敬完墓在新安縣南有神道碑

尚三事墓在城北三里許

孝子明墓在城北一里許

弟嫂貞節墓在城西一里許有磚塔石碑記

高義女墓在城西北二十里有碑誌

張我鼎墓在城西北十五里大馬廠東一里許有碑記

韓孝子墓在城西南一里許

莘縣

衛伋壽二子冢在城西南二十里第二鄉南西簾保西

東昌府志

卷之四十五

冢墓

七

趙村南一里春秋時宣公殺伋壽二子處

大典

按宣公殺二子處不在此也京相璠曰平原陽平

縣北十里有故莘亭杜預曰陽平縣西北有莘亭

李吉甫曰莘亭在莘縣北十三里樂曰莘縣因縣

北古莘亭爲名歷考諸說皆云在縣之北宣公殺

二子處也永樂舊志乃謂在縣西南二十里稽之

書傳皆不合

趙簡子冢

陽平有趙

趙簡子墓在邯鄲縣西南十二里與張華說正

與考春秋傳史記趙簡子時始有邯鄲柏人地餘

豈非趙有其墓固不得遠至陽平也地形志之言

未覈

贈左散騎常侍汝南郡韓公國昌墓在縣治西南一

十五里舊依仁里今祖家店東迴圍地五十畝有咸

通十三年吳哇撰神道碑

舊志作十五年按咸通無十五年其奉恩制亦不

晉府志 卷之四十五 冢墓 六

在十五年據碑文改正

吳哇韓公神道碑長河北涓太行東隅粵有奧壤厥

為魏其中土宜俗淡子仁義夫節婦觸

類可視比屋可封地勢之然物理斯在是以代有良

將軍稱義兵控北虜之咽喉扼南燕在歲月

孫三世速及哀季如墮弓囊四人切溺苦之音六郡

痛舉羸之患下關同心控五英雄奇遇類然控五我

公仁者之譽德負不孤之聞語其力則五丁

比肩較其藝則三傑齊價乘磊落大度挺昂藏偉材

悅輅使磨至留務克諧金貂之峻秩負來烏府之

資迭至三月月爰登下闕敷下闕三台九重

東昌府志

卷之四十五 冢墓

九

誠翼控三制控三詔彌口遙馳控四因極之

門之業無以傳曠古之名因授以賓徒俾詳其事

先口周下關是武口之土也其後苗裔事晉得姓於

韓故曰韓武子武子生本云生萬萬生脉口脉口生

伯簡伯簡生子與子與獻口口口口口口口口口口

靈公之賊趙遁遁已死矣欲誅其子趙朔韓厥止

之告賈賈不聽厥告趙朔曰子必能不口口口口口

恨口口口口口口口口口口口口口口口口口口口

烈犖然功庸迄於下關不絕流派控五公為口魏下

關一鄉之宗口控七會祖口魏博節度押衙控八祖

朝魏博節度押衙兼臨清鎮遏都知兵馬使檢校口

子祭酒兼侍御史控五烈考口魏博節度押衙口口

公之為人也天假樹忠神符抗節好謀而斷知機而

明約口有常敏行無玷以孝弟成其性以文武口其

才少即下關孫吳術讀黃石書指力爭為不口口口

吞為細事常慕攝衣決勝坐籌出奇軍中少年靡不

取則口口口口口口口口口口口口口口口口口口

而口來控五國家乃行賞疇庸論功載筆口口口口

口口是時口溢懋積充塞口口口口口口口口口口

密詔垂下符五公口口口口口口口口口口口口

堅不廢吟風嘯月執兵首口口口口口口口口口口

後時顯訖陪臣不越吾口遂脫輻謝病挂冠養高口

紳有闕物論稱口尋已奉復舊位脫屣控三口口口

揚整肅之

東昌府志

卷之四十五

冢墓

辛

好華卷舒自得於口口口形於口色口口
 香移紫髯口冠於羣公青眼靡遺於眾卒露
 王事有作復乃閨門立程稜稜而庭訓惟嚴察察而
 口口尤峻口口之以下關詩書論雍容口口示
 口隱掩日之禮馳騁田獵雜服詭詞趣若仇口口如
 整口口又節用車服輕財典墳資閨市之王充口備
 書之口汗黠鼠下關庶鱗次則有肉口口家為口主
 管窺無與善之情心笑有越行之謂員鬣指背睚眦
 縱口控五公乃率爾獻酬怡然引論夫文者祖述萬
 物憲章百王下關之七口肇建寰宇廓閱經史罔不
 公襲厥宗恢宏是理成三皇五帝之教振周公孔子
 之文口口流通百氏津潤俾君臣父子之道歷祀無
 差陰陽寒暑之期日時不忒下關發口蹄口稌口口
 口口吼龍虎矛楯山立旌旗血融言其壯則扛鼎拔
 山顧其勇則憑河送目七十城而應鏑下四十萬而
 乘時坑此乃口口之口為口心運其力若以瞻雲
 望氣一否一臧辨成敗之機宜鑒吉凶之口口口則

武非文而不備文非武而口揚實共濟而相須豈殊
 途而別派下關之行口口口纔立名業口口弓劍者也
 罵之身口為不肖孜孜以未墜之道力口口命子者其
 庶幾乎口者乃絕艱絕詞唯唯而退今控口口僕射果
 自口口口口德口口口控入公昔之口習非偶然
 哉武宗泣祚口口口口拒命控口口討薦加控五公
 嘗從盧江令公肥口口口口盧江下關以口口統眾口
 口係將累日控口口公度其軍勢相以人心雖机之可
 期在下關謂盧江公曰魏師以久不振旅時無悍心
 矧乃口竟匪遙下關其必州延口口口悅豫其情
 則前駟不踵控口口公請審其向背妙下關之心敦三
 令口口之道在爪牙者却駢羅於後如市人者却分
 列於前奔比者下關中其和口口自然表裏相應寬猛
 得中故可以繫時必偃其千戈翹下關江乃悉納良
 策成一大功振山東壯武之聲擅日下勤王之効莫
 不由此言無口口歐控七公口時初心不求朝拜藩
 所符竹口口口口州刺史兼本下關奏御不
 中丞

唐魏博節度觀察處置等使韓元中墓墓與國昌河處
碑有乾符二年龔于濬神道碑元中卽君雄一作克
中

按舊志作咸通十五年誤攷元忠以乾符元年卒
二年立碑咸通間其人固在也又按舊唐書云元
忠魏州人舊名君雄懿宗改賜今名咸通十一年
何全皞爲軍衆所殺推元忠爲帥時僖宗爲普王
卽降詔遙領節度授元忠左散騎常侍兼御史中
丞充節度觀察留後不數月轉檢校工部尚書魏
州大都督府長史充魏博節度觀察等使累加至
檢校司空同平章事乾符元年十一月卒

東昌府志

卷之四十五

冢墓

三

乾符二年神道碑天高地厚覆載之道成君聖臣賢
教化之功普控三帝唐以文德走殊俗以武經齊殊
夏訐謨下闕張之全才兼將相之重位藝通神化氣
肅風雷建曠代之勲庸爲一時之標表者則控三魏
師丞相韓公其爲人下闕萬食宋於韓以定氏在
春秋時有韓厥事晉獻公能全趙氏之孤不忝上卿
之位左氏書之在嬴秦時有韓偁爲太傅下闕一朝
信生隕當封弓高侯在東漢時有韓康伯幼聰悟早
名直節獨立不黨在東晉時有韓康伯幼聰悟早
遇殷浩見知長負下闕皇室下闕無人是知源深則
派長根大則枝茂蟬聯冠冕世享厥位控三曾王父
朝臺魏博臨清鎮都知兵馬使度奇表崑然口殊
不羸之下闕雲下闕夫檢校太子賓客使持節相州
諸軍事守相州刺史充本州防禦使御史中丞早

東昌府志

卷之四十五

冢墓

三

鈴經通知政術州石中許仲力可
 尋軍下闕相州府下闕以控三公追孝贈工部尚
 書控三祖妣張氏追封清河郡太君控三皇考口銀
 青光祿大夫檢校國子祭酒使持節口州口軍事守
 口州刺口口口口防禦使下闕質勁百鍊下闕克肖
 門風飛一箭以下城穀虛弓而墜鳥洞曉邊事不後
 郭公文好讀兵書寧漸馮奉世初從將幕遂拜魚符
 願六條以口口城駕口車而口口口口行足以執物
 口厲足以毓人位不下闕公貴累贈下闕部尚書空
 字妣張氏追封涼國太夫人控三公則貝州府君之
 元子也才惟命世生實為時天縱多能人推懿範孔
 子聖者似口能下闕公學窮三豕箭下闕以自強蓄
 鋒鏑而不下闕終軍童子便請長纓李牧少年樂從
 絕塞始辭外傳遽列和門竭力奉公所至畢理蔣宛
 占夢之日已定封公謝安未仕之辰終期作相承口
 口口那口之餘祉口控三文明之口代下闕德下闕
 壯圖下闕乎武幕位崇連營任顯入軍旅必以謀畧
 資其長行鄉黨必以教義諭其幼諸葛亮有管仲之

器趙真卿多白起之風立於尉庭不雜流輩口口口
 行太尉范口公愛控三公堂堂之下闕聞謂控三公
 日下闕韓與何本同族氏我欲投忘年之分申一姓
 之驩可乎控三公再拜牢讓不從其意謙之至也控
 字武宗四年潞帥死其子煥口口一方積口口口長
 控三詔書大徵帥旅不日而于鋌四合浹旬而窺武
 手先歲序俄周保障未下蓋以前據壺關之固後倚
 大行之險控三王師下闕士庶口夷於鋒下闕防密
 下闕壘塢鸞維金鼓之聲雲物慘山川之色徒拘其
 怒且無所施乃召耆將計事皆曰眾寡不敵利病相
 懸控三公獨憤勇出羣請借前籌下闕作慮西境下
 闕照大口口有下闕方地居屏捍當關外之寄分控
 字天子之憂苟或不能整一旅之師問滔天之罪是
 倒持而授柄焉可恣其暴耶遂請控三楚公上表口
 師躬行控三天伐控三楚公持重下闕公又曰雖下
 闕眾兵家所慎而杖順討逆神道必從况豸不觸驩
 與羊無別較然之理又何疑哉控三楚公雖聽機謀

東昌府志

卷之四十五 冢墓

三

尚懷猶豫口口控三御史中丞李公口乘口口口衛

解控三前日之言若合符契非控三公智識精遠孰能懸

帝命不可稽鄰寇不可玩口口口慮事今下闕戈口

山立口口雲屯口霧忽下闕壘先驚控三公不顧危

亡親承矢石介胄蟻虱手足胼胝趙充淑名動寰區

共推烈士張文遠身先士卒果立殊功口威無口口

之口戰陳忘口口之口口朝渡一口口壘於口口

夕起長風口浪下闕將席下闕山頽或倒戟自殘或

輿屍請命然後化狼顧鳩張之輩為鳳儀麟趾之祥

蕩穢滌瑕冰消燼滅捷書西上控三褒詔東來下闕

公上報控三明主次下闕旋獲下闕壯志嗚呼控三

楚國公用控三公籌畧卒建大功控三天子酬勞控三

加外相控三御史中丞李公復因控三楚公之下闕

寵光亦拜台口唯控二公止撫憲秩稍遷下闕有下

關突徒薪之歎我無矜公利己之心坦然胸襟益見

夷曠控三公挹江海之偉量挺倜儻之奇姿交次審

智敵萬口顧彥口名齊下闕下口口控三問望藉藉

動人視聽下闕廬江公紀綱失守時控五今上在東

宮為普王即控二宜詔遙領魏博節度使授控三公

銀青光祿大夫檢校口常下闕節度觀察留口控三

字紫泥重降莫得而辭踰月拜檢校工部尚書魏州

大都督府長史充魏口節度觀察口口等口口口

口復拜口口口內使以口旋下闕雷動五營義武六

郡疲民稚舞艾歌相與賀曰邵父杜母復出於今日

則人人皆得為赤子矣控三公龍踐將壇榮分控三

朝下闕不變教令載新近下闕皇風普扇控三惠澤

退敷熙熙怡怡不嚴而理迨控三月報政特加尚書右

僕射餘如故師長南宮儀刑會府酬膺旌德賞典有

光口口口檢校司空下闕諱臨軒遣使與司空之

命同賜控三渥澤漸加控三恩榮特異比於羣后控三

可擬倫控五今上即位勅控三覃恩中外下闕維控三

北於魏州莘縣修善鄉平原口鎔三先塋之側啟
闕公懿行崇勲爲世軌範苟口絕迹何慰三孝
遂命門吏紇于澹刻石爲碑以示來裔瘡伏思昔者
延陵季子歿仲尼署其表曰嗚呼有吳季子之墓則
知碑者古史之流下闕銘合屬曳裾之吏澹切蒙
字厚顧獲忝銜三初筵胡伯始之前修無漸許訓郭
有道之遺烈徒感蔡邕寧愧蕪詞敢書貞礎銘曰元
聖乘運英賢膺期生爲邦傑出爲帝師赫赫韓氏徽
猷早振得姓於周筮仕於晉旣開土宇亦佩侯印口
漢承口淮陰封信洪源茂緒派遠下闕克紹祖宗量
寬溘漲威定山東爰自壯年誓志從戎鈐經政術靡
有不通凌雲直榦叢物清風紫髯短下黑口琫弓口
口挺衆口口口口狸穴下闕若刀自版若火自燎大
行天井恃險設奧逆浪盡翻旄頭夜耀天子問罪楚
公奉詔公實爲副順行天討下闕羣技口口齊駢馳
馳雷掃下闕執銳披堅屠城擒將所向無全探雛撲
卯流血成川妖孽旣平功成凱旋勲高名顯時望赫
然鸞鶴騰口蛟龍孽口口萬里一日可上齋壇使

東昌府志

卷之四十五 冢墓

三

節下闕位重廊廟任尊師長化洽令行人歌惠養天
垂將星公實稟之神有兵符公實受之元兇巨猾公
實定之帝口王口公實佐之口家許國濟難匡時下
闕晉侯言命兩楹夢奠夫子殆病皇天匪信倚伏無
定梁壞舟藏孰爲龜鏡史氏書歿禮官考行終始哀
榮下闕松楸已列體魄宜安西眺崇山崇出言言南
臨大河大河渾渾山
河永固基業長存

宋司農少卿胥穀墓在城東南二里第二鄉黃樓保胥
家巷南有祖塋以皇祐四年正月十八日致仕以疾

終於淄川私第則致和元年七月二十四日也年八

十四歸葬於此

大典

王氏塋在縣東北

宋魏國文正公王旦墓在縣治東北二里許舊羣賢保今三官廟前週圍地十畝舊有神道碑數通石人石獸望柱明初尙存永樂間取修會通河闡成化十七年知縣賈克中重修宏治四年知縣顧巖修補墳後土隄甚高十三年知縣孟隆立王文正公墓碣一通按一統志載王旦墓在莘縣東北二里及觀歐陽文集載文正公神道碑銘序首序曰王公諱旦字子明莘人也末序曰天禧元年九月薨享年六十有一卽以其年十一月庚申葬公於開封府開封縣新里

東昌府志

卷之四十五

家墓

三七

鄉大邊村與此所載不同竊考王旦自父王祐累官兵部侍郎子孫居顯宦者甚衆雖至高宗時若王倫王柟猶綿綿不絕故所居之地號曰羣賢保而墓地亦在焉况此墓其地廣大封塋甚高又有石人石獸神道碑數通或爲王祐之墓與子孫顯宦者之墓未可知也姑述之以俟後之博古者

金顯武將軍張琪墓在縣治南二十里修善鄉黃樓村之原今黃樓店南有碑記一通其表模糊難認其銘

字畫稍真

給榮中選魁武藝超倫逆食天祿以振吾貧雄翼六
純圖解興仁三任仙尉兩破賊羣存心不殺其報如
神官階五品壽踰九旬翼翼二子誥誥大孫告老而
退以養天真福壽康寧五福萃臻天不憖遺遽至凶
屯球碑神道立石旌墳以告永世用播芳塵大德十
年一

元贈冠州知州韓鵬墓在縣洽西三里舊西簾保今王

家莊東有碑記

馮惠贈冠州知州韓君墓誌銘朝廷以孝治天下特
著封贈之典俾爲人子者知所激勸自流官七品以
上咸得以崇其親若韓知州是也子知州以承事郎
仁壽縣尹旣贈其父及母宜人至是復以致仕例加

東昌府志

卷之四十五 冢墓

天

贈奉訓大夫冠州知州飛騎尉追封莘縣男母追封
莘縣君爰念光膺綸詔榮洽幽明仰惟新石邱墳庶
彰久遠以文來謁弗獲固辭按韓氏汴梁人曾顯祖
始徙莘卒葬祖家店東考諱渙潛德弗耀妣安氏有
子四人長德次寬次鵬次清鵬字伯翔卽奉訓也天
資純直以孝弟聞家結四壁教諸子皆詩書克勤生
理雖遠服賈亦終無倦兄寬年高一子又天且夕悲
痛以後事爲憂奉訓以理慰釋且綱紀其家終其身
不以戶役及之鄉閭稱焉與人談論是非曲直明白
而後已聞者悅服晚年浮沉里社精神強健耳目聰
明如年壯人以延祐三年四月十七日以壽終享年
八十有三葬於莘西三里西簾保之先塋配王氏克
全婦德卽莘縣君也後一年卒享年七十有七有子
五人長權次信達次福諒權字公衡幼習儒奉親孝
待諸弟克盡友愛以奉訓撫達適遠方累歲不歸權
乃獨奮身跼足備涉艱險尋訪經年行至雲南乃得
見焉時達已歿父子哀慘有足感動人者行省嘉其
孝行有志不遠萬里覓見其親乃以茂異聞於朝卽

授本省臨安路儒學教授祿養其父終更侍歸其家
次除廣西路教授任雲南前後十年既而以親老
辭遂得便養授登仕佐郎山東宣尉司照磨次任卽
墨北海二縣尉兩淮臨洪鹽場司丞貢都縣尹所至
有能聲以戶籍北軍隸左衛屯田歲貢以錢計者千
歲租悉給軍需歲以爲常此人之難能者嗚呼奉訓
樂於爲善勤於謀生常若不足卒能教子爲學高大
其門自知州尋父雲南以儒官進士將五十年累被
寵榮又廕其子乃知天道無親常與善人何其厚哉
因爲之銘曰幸郊風土宜耕桑禮俗元同齊魯鄉韓
氏始遷由汴梁乃生奉訓資純良怡然孝弟明綱常
教子仍知以義方勞生不覺鬚眉蒼身雖弗祿餘慶
長幸哉有子儒業彰尋親絕域可顯揚宦途跡更兩
鬢霜永年有喜承恩光五馬疏封綸誥香樹碑昭
然表元堂蓋由作善天降祥子孫孝思當勿忘

楊氏坐在太傅保楊家里

東昌府志

卷之四十五

冢墓

十九

燕天爵莘縣楊氏先塋碣銘東昌莘縣楊氏其族有
二故中書叅知政事居寬今江南湖北道肅政廉訪
司知事景皆著姓也天爵昔官六察景爲之佐愛其
清慎而端雅今爲叅預鄂省景居憲墓蓋有斯文之
好焉間來請曰景之上世譜軼於兵會祖迨今凡六
傳矣遭時承平朝野治安居者樂歲時之豐盈仕者
列官曹之清要又承寵命追榮考妣而塋兆封樹之
固願求一言以爲之表庶俾子孫永久而弗忘也按
景之曾祖諱善祐慈祥樂易不與物忤時以長者稱
之配某氏祖諱寶初以勇果應募爲兵久之擢揚州
營軍彈壓佩銀符英毅多謀身率士卒均其勞苦故
伍部嚴整而不敢犯帥府推其才謂有古節士風配
趙氏晚歲始生一子乃曰吾家有舊田廬先人之所
遺也吾嗣守之不敢失墜今託先人遺業乎幸吾子
苟無以教誨之他日何以能保先人遺業乎幸吾子
有成則報國有日矣遂棄官歸以勤苦律其身以孝
義行於家妻繼子孫化之而鄉人亦皆矜式焉其所

務周旋內外克慎以和胃次洞達與人交無宿怨值
其宗族閭里之貧者焉奉淡泊惟務儉約有餘輒賑救
有四贈從仕郎邱縣尹配段氏至大某年某月卒享年八十
年七十有三追封宜人子男六人長敬趙州提控案
牘致仕莘縣尉次清次平俱以孝弟力田稱次文應
鄉貢進士舉次政仁虞總管府鷹房提領次景歷山
東淮東憲使貢中臺察院授將仕佐郎江東道廉訪
知事進從仕郎轉官湖北孫男十七人敬之子伯元
清之子伯亨平之子伯榮伯顯文之子伯英伯傑伯
頁伯安伯永政之子伯恭伯敬伯讓伯倫伯宜伯直
國子伴讀次曰遵禮楊氏瑩兆在縣之第五鄉太傅
保楊家里天爵既序其氏復爲之銘銘曰惟莘之郊
九河所瀉河既南流是爲沃野楊氏來居有田有廬
勤爾耕鋤爾詩書詩書業成贊畫風紀寵命在門
黃及桑梓疇昔楊氏顯於關西四世三公孰盛於夷
浮陽清明時有消長表石於阡尙企其往○滋溪類

藁

東昌府志

卷之四十五 冢墓

辛

李希愈墓在縣東北二里羣賢保今三官廟西有碑記

一通

郝學詩墓有許維新誌銘

白本墓在縣治東一里左家莊東

李忱墓在縣治西北三十里孫兒莊南

冠縣

周冉子仲弓墓在冠氏縣北二十五里

元和志

冉子墓在冠縣南一十里

永樂舊志

冉子墓在冠縣西北二十里墓前有祠創自宋元正德八年副使王金重修曹縣東北五十里亦有仲弓墓俗呼爲冉垵一統志兩存之

舊志

按曹縣東北五十里冉垵集有塚乃秦相魏冉墓非此也見水經注及太平寰宇記

魏仙姑塚在縣城西元兒莊相傳古仙女曹希蘊之藏

土阜存焉人有謂爲武帝妃郭氏見傳

縣志下全

元杜浦墓在縣西八里有張士觀碑文

趙氏先塋在保義里

東昌府志 卷之四十五 冢墓

三

元好問冠氏趙侯先塋碑記冠氏帥趙侯錄其世次見屬曰貞祐之季中原受兵先人忠顯君起田間有功於鄉里鄉里推爲邑丞大中解公以便宜行諸道升熙縣長佐謂先人統率有方莫有犯之者言之招撫使宗室惟宏乃自丞遷而令大名所統三州十一縣義軍吾兄顯署軍中都提控弟雍軍民都彈壓仍佩銀符天錫亦以恩例補官於是吾趙宗固已雄視於齊魏之間矣及六龍南駕豪傑並起大名東平皆爲大有力者所割據先人介於疆敵之間率創罷之民爲守城計百誘而不變百戰而不沮入事既窮與我俱陷槩之當世孰與倫比天錫既隸今行臺特進公出入行陣頗著徵效及再受交任而縣民人力又僮於往時軋於他盜困於凶荒弱而振離而合立官府於攘敵之際闢田疇於榛莽之域重爲公所錄假之旌節歲丁亥五月乃用故事上於臺承制之命榮及祖兩梁君用之記贈宮之事已備之矣惟是數世無一昭穆具舉松楸百年而有旌矣寂寥之嘆天錫無一似有蒙頌先世以武弁起身大懼前人之隱德

以請長之
從高宗南渡以
民無所於糴能出其所有以活旁近忠顯君諱林喜
賓客好施予負外之家有貧不能償者率折券以貸
君悉資遣之風義所激州里稱嘆故有令丞之譽嗚
呼兵興三十年河朔之禍慘矣盛業大德名卿鉅公
之後遭罹元元遂絕其世者多矣僅得存者亦顛沛
年未五十孫息滿前羣從自生齒而上餘七十輩侯
之姊氏乘時奮興所握萬夫如臂之使指錦衣繡帽
角逐於草昧之日東西數千里識與不識皆以女王
目之蓋先之以靖康後之以貞祐再涉大變嚮絕而
復續稍微而更熾不日先世之所開則無以考天人
之際矣故予樂爲之書雖然此予聞而知之者然也
侯之太夫人董資善良夙尙內典忠顯君之時中饋

東昌府志 卷之四十五 冢墓

三

之位乃爲上僭者所奪於夫人也擄斥如勝侍凌轢
如囚虜井白之事率躬親之如是積三十年夫人推
之以夙業堅之以苦行怡然委順惡言未嘗出諸口
晝哭之後僭奪者故在反以其老寡而憐之時往慰
藉且教諸子事之惟謹既歿之後葬祭過禮無降殺
之貶夫妬爲婦之常而怨亦人之所必報不妬不報
直于萬人而一耳况乎其奪也不以怨而以恩其報
也不以直而以德不出於勉強不由於沽激傳記所
載如是者幾人女有健婦之稱男有特豪之選期頤
甫及福祿方來乃今野服蕭然脫屣世事躬不受祉
其安歸乎予見而知之趙宗之所積在此母矣因述
侯之事並以夫人之事附之侯字受之今爲東平左
副元帥兼分治大名府路同知兵馬都總管事
宣授行軍千戶官鎮國云戊戌歲七月初吉記

趙天錫墓

元初間千戶趙侯神道碑銘河朔用武之國白金朝
南無文事掃地後生所習見唯馳逐射獵之事蒞官

東昌府志

卷之四十五 冢墓

三

或不能執筆記名姓風俗既成恬不知怪惟
 軍校中日以文史自隨延致名儒考論今古窮日
 不少厭時或投壺雅詠揮塵清坐倡優雜戲不得
 至其前又子弟之可教者薄其徭役使得肄業而邑
 文人亦隨而化之行臺所統百城比年以來將佐令
 長皆興學養士駿駸乎齊魯禮義之舊推究原委蓋
 侯發之侯諱天錫字受之姓趙氏世為冠氏人曾
 存金國初官保義校尉祖諱成明冒中歲饑發
 氏疎下為鄉曲所歸考諱林貞祐之亂以鄉豪保冠
 王事事見先塋碑記此不具載侯即忠顯校尉歿於
 也趙為大族大安末侯始弱冠即入粟佐軍補修武
 校尉監洺水縣酒罷官歸遂為縣防城提控屬大朝
 兵勢浸盛避於洺水洺州防禦使蘓政召幕下擬充
 冠氏令耕稼既廢城邑無所恃乃挈縣人避桃源天
 平諸山以辛巳春歸大行臺特進公於青崖固行臺
 聞侯之名隸帳下從征上黨以功授冠氏令俄遷元
 帥左都監乃兼前職甲申宋將彭義斌據大名屢以
 兵來侵人心頗搖侯謂業已事行臺公不可以貳兵
 勢雖不振姑少避其鋒以圖後舉耳乃率將佐往依
 大將亭里海軍未幾破義斌於真定授右副元帥同
 知大名府路兵馬都總管事陪鎮國上將軍乙酉八
 月復遷冠氏先於故帥李全為義斌所攻既降之大
 軍至怒其反復有屠城之議侯救護百至老幼數萬
 竟得全活時全已在大名不數月又結蘓椿輩納河
 南軍從宜鄭侗主兵柄日以取冠氏為計侯每戰每
 勝氣不少衰某月侗自將萬人來攻侯率死士乘城
 力戰三日夜侗度不能下乘大風晦冥而遁已丑五
 月朝於北庭所上便宜事皆優詔從之行臺公亦以
 其論列且當尤加重焉壬辰正月黃龍陞失利將佐
 千餘人被俘侯皆以計活之又明年用行臺公薦宣
 授行軍千戶仍賜金符戊戌南征駐兵蘄黃間被病
 還以庚子夏五月二十有四日春秋五十終於縣治
 之正寢娶杜氏封其郡夫人子男六人長復亨次泰
 亨意
 軍
 東平路鍾
 嫁東平路鍾
 重厚造次必以

東昌府志 卷之四十五 家墓

事太夫人孝義所嚮必奉之惟恐不及撫存幼孤嘗妄咎一人誅殺不論也人有以急難來歸者力為調卹之脫之於奴虜活之於屠戮者前後不勝算他日有負之者亦不以為意也初縣經喪亂之後荆棘滿野敝衣糲食與士卒同甘苦立城市完保聚合散亡業單貧備禦盜賊勸課農稼所以安集之者心力俱盡經畫既定上下如一四境之內獨為樂土賓客至者燕享犒勞蕭然如太平官府禮成而退皆相與稱嘆以為侯之材蓋有太過人者矣大槪侯所長者甚多所以自待者殊不薄又其所與游皆天下名士氣節之所感激論議之所薰習鷹揚虎視自當有萬里之望百未一由竟賞志以歿此有識之士所以深悼而屢嘆也孤子復亨等以某年十二月庚寅朔舉侯之柩葬於保義里之先塋禮也既已事以子嘗得幸於其先人辱以神道碑為請予往客平陽者六年歲戊戌七月以叔父之命將就養於太原侯留連鄭重數月不能別軍行河平子與之偕分道新鄉置酒

三

明李氏塋在縣東二十里王村

行營中夜參半把燭相視不覺流涕之覆面也明日使人留語云欲與吾子別而情所不忍唯有毋相忘而已於是疾馳而去不反顧嗚呼此意其可忘哉乃為之碑而系之以銘銘曰趙侯翩翩蚤有稱乘時雲風志騫騰伯府選勞迺進登樹之旂旄冠氏鬱大縣萬家既分崩疲瘞之民侯所矜摩拊不給矧暴陵逋亡日來月有增田野載闕歲登昔無粗麻今續繪賓禮師儒講顏會奕邑子弟前伏膺絃歌洋洋通薛滕東州百城文治興繁誰宏之侯所宏仁心為質莫我能躬不受社豈所應孰為除之又孰乘我侯種德既咨爾嗣人其敬承可

邱濬李氏祖塋記距東昌府之西百餘里曰冠縣距冠縣之東二十里曰王村村有李韓二大族世為婚姻而韓氏仕元有為冠州同知者與丞相伯顏有連一時兩家族屬繁盛聲勢赫奕著聞遠近今韓族之

齋猶有土居者而李氏則遷河南之襄城百餘年矣
謂予曰吾家自高祖以上皆葬冠之王村其兆域之
存者有三相傳其一吾高祖諱珪公墓也公韓氏出
纍然三塚去韓氏墓左十餘步經世變碑志不存然
邑之人至今猶稱之曰李家墓云吾家來襄城自吾
曾祖諱伯和公始會祖以一人之身生育禪續今子
孫幾於千指大始發於冠吾以進士起家擢監察御
史歷按察使左右布政副都御史兵部侍郎以至今
官贈祖考皆尚書妣皆夫人推原所自非先德餘慶
所鍾留骨所蔭安能至此乎先塋之在祖鄉者吾爲
御史時親詣冠縣訪而得之乃培其封一奠焉旣而
兼憲浙江再致奠獻今又二十三年矣吾族子孫衆
多孰無孝思然道修力薄不能人人皆如願幸而山
東方伯鄧公廷瓚宣化一方政舉民和下令所部於
凡境內有前代名賢祠墓咸加封植禁樵采有司以
吾祖塋聞者公乃命有司繕以崇墉樹以嘉木表以
高閎曰李氏祖塋中如故事建享堂三間又捐俸資

東昌府志

卷之四十五 冢墓

五

於墳之西售韓李二氏地五十畝以爲墓田給付二
家以歲入之租供祀事祭畢餼餘以享韓李之族經
不云乎敬其父則子悅鄧公所以爲我先人者其德
豈可忘哉幸與子同年登進士而鄧公亦同年也幸
與我記之刻石樹之墓道以示我後之人使吾李氏
子孫雖居千里之外得有所考而知其先塋所在剪
遺墟之菲剔碑石之薶而求其首邱以致奠焉世世
相承引而弗替亦使冠之人望其封樹而知其有主
食其歲入而不敢乾沒繼是而有官守於是邦者得
其觀感倘或體方伯之心而推廣之巡臺麓使無侵
爭謹封植使無剪伐千百世之下恒如一日焉莫大
之幸也予聞公言喜其思遠而慮周故不復措詞而
述其言

爲記

信陶縣

戰國段干木墓在城

女段干木魏人居山西芮城墓在安邑段村今館陶有墓不知何據順治丁酉教諭聞應震於城北里許立段干木墓碑康熙七年知縣鄭先民新構一亭刻石顏其上曰清風高節與前知縣程君墓俱於寒食

重九親致祭焉

縣志

按水經注河水自河北城南東逕芮城二城之中有段干木墓及唐貞觀中又詔芮城之魏文侯墓段干木墓并禁採樵館陶之有墓特順治間閻應震立碑云然不足據也

東昌府志

卷之四十五

冢墓

三

盧府君墓在館陶縣南二十里不知何代銘曰盧府君

歸真之室

搜神記

唐段道超墓在永濟縣西南

縣志

唐無名氏段君墓誌銘有唐碩德段君諱道超以遠祖干木爲魏文侯師故子孫相沿不去其國今爲貝州永濟縣人也祖仁宗父趙生世習儒業不干仕進安貞道德養志林臯府君秉心塞淵居業簡素克紹祖德不趨世祿披六經得先王之志覽九流通述作之意故遠近傾慕州縣咨訪非識遠通方學堪師範焉能不廢顯祿而名播當時哉年六十八終於舊里故親友痛悼州閭嘆惜夫人賈氏族推華茂資稟幽雅克傳詩禮之規雅得柔順之道以建中四年歲次癸亥三月戊申朔十一日終於泌第嗣子堅卜其葬三月二十一日丁酉

協靈武祠

西南禮也地

託筆峯式旌
風蕭蕭兮草茫茫

唐馬恒墓在縣西木官莊有墓誌嘉慶二年鄉民掘井

得之知府張官五飭縣埋井刻石記之

開成六年馬公墓誌銘公諱恒父諱超其先扶風郡人也昔馬融註解累代欽崇風後允因官徙居甘陵郡乃祖乃父遂為永濟縣人焉公以禮為度以德為車衣著篇章飲食經籍謝家鮑氏羞當章句之流耻也文學之列金石為節松竹表貞亂代逃名庸君隱迹懷實不仕韞道迷邦於是通德立門仁者為里嗚呼天不慙遺神莫見祐元和七年七月二十一日寢疾終於沙邱方私第也享年四十時也日月無光雲天慘色閭巷過客行路傷嗟權殞縣西一里先夫人松蘿靡託葛藟無依結誓指於柏舟空淚流於斑竹以開成六年正月十三日與二夫人遷葬於故塋禮也仲子曰曉夜盡心以竭家資用為遷耐恐後改易

東昌府志 卷之四十五 冢墓

七

刻石為記平生忠貞松竹表節堅勁金石潔白水雲灑遍乾坤光連子孫輝赫三代榮慶一門道美寰宇教彰四海天何奄暵於幽魂骨肉承閉於長夜何時再觀明昏

薛氏墓今無考

縣志

陳子昂郭公姬薛氏墓誌銘姬人姓薛氏本東明國金氏之裔也昔金主有愛子別食薛因姓焉世與金氏為姻其高曾皆金王貴臣大人也父依冲有唐高宗時與金仁問歸國帝疇歆庸拜左武將軍姬人幼有玉色養於穠華若彩雲朝升微月霄映也故家人美之號曰仙子聞瀛臺有孔雀鳳凰之事遙情悅之年十五大將軍薨遂剪髮出家學金仙之道而見寶手菩薩靜心年年清運不至乃諱日化雲心兮思淑真洞寂滅兮不見人瑤草芳兮思蓋將柰何兮分青春遂返初服而歸我郭公公豪蕩而好奇者也雖佩以迎之寶瑟以友之其相得如青鳥翡翠之婉婉矣繁華艷歌樂極悲來以長慶二年太歲癸巳二月

遇疾而卒於通泉縣之官舍嗚呼哀哉郭公恍猶若未亡也寶珠以舍之錦衾以舉之故國途遙歸未逮留殯於縣之惠善寺之南園不忘真也銘曰南邱之白雲兮願一見之何期哀淑人之永逝感緝園之春時願作青鳥長比翼魂魄歸來遊故國

金張弼墓在范氏原有徐世隆誌銘全

呂豫墓在大張里

元遺山集

元好問南峯先生墓銘先生諱豫字彥先姓呂氏懷州修武人祖道父炎皆力田爲業先生自成童知讀書旣冠游學東州以易爲專門經明行修高出倫輩醇德先王廣道特器重焉一時名士如秀容折安上濟陽王善長安陽苗景藩館陶段彥昌冠氏孫希賢田子發從之學者甚衆故家近太行五峯山因以爲號示不忘本也有易說若干卷傳於時宗室復興鎮大名聞先生之名延致門下以師禮禮之初要館

東昌府志卷之四十五 冢墓

三

陶汲氏繼室清平丁氏先生往來兩縣之間爲人廉介沉黙爲里人所尊員祐之兵謂所親言吾年八十有四天數當盡癸酉唯有立待歸盡而已是冬在所殘破吾民老幼相與逃亡先生喟然嘆曰癸酉之期至矣明日有乘白馬衣皂衣挾弓矢馳逐於社原桑林之下者吾死此人之手矣詰旦果有邏騎到物色悉如所言先生欣然就戮實十二月之二十三日也兵退孤子天民收葬於館陶大張里之東原王子之冬距先生之歿四十年矣天民與好問有通家之好以墓表見屬余亦懼先生之潛德將隨世而磨滅也乃爲之銘天民嘗任冠氏主簿孫二人長曰長慶次曰公孫銘日被髮銜刀禍孰與遷彈琴視景命何可延誠使之禽息鳥視而終白首固已無貴於期頤之年老聃元虛莊周氏之自然死以爲真元以爲全寧薪火之可續直土梗之自捐若夫鴻毛權重輕所宜熊掌定從違之先有巖墻之疾趨有白刃之徑前唯其知而安於命此深於易者之所以賢

元劉君墓在城西二十里趙從善有記

縣志
下全

段伯豫墓在城西八里青陽城西伯豫父暹行軍千戶

濮州太守伯豫昭勇大將軍管軍萬戶鎮守杭州路

又超宗士禎俱爲將軍

王萬戶墓在城北十里 以上二墓俱無攷

耿從周墓在城西南五十里拐渠村從周生元之中葉

至明初子孫多遷居郡城世以科第顯綿延至今三

百餘年號爲望族

郭良墓在城南麻呼寨

東昌府志 卷之四十五 冢墓

三

田烈女墓

楊一正田烈女墓誌銘烈女姓田行二生康熙乙酉
邑之蕪村人也父名虎以女字范得貴長子現未幾
虎外出十餘年音信杳絕阿母嫌婿貧從舅氏謀欲
女改字得貴控於余余因時荒旱緩其庭訊令地役
調處之女嘆曰背父不義也違母不孝也有一於此
母寧死遂自縊焉余哀其死憐其志斷柩歸范躬親
致奠爰題其石銘曰窮簷弱質行年十七能明大義
終身從一花殘玉碎無非阿母冰心烈性永昭千古

高唐州

戰國盼子墓在城東四十里固河鎮

一統
志

二國華表墓在城東二十里

元和
志

晉劉實墓在城東二十五里實高唐人仕晉至大尉

按一統志在府城東二十五里與此不同

金閭詠墓在城西七里

康曷墓在城東九里

趙雄飛墓在大李莊

元好問順安縣令趙公墓碑公諱雄飛字真卿姓趙氏世為博之高唐人曾大父某大父極皆潛德不耀鄉里以善人稱之父忠信資稟通悟喜接近儒士及公生愛其風骨有起家之望正隆末寇盜遽起公方在襁褓舉家藏匿林莽間懼為盜所迹祝兒無啼啼則累我竟以不啼免難宗黨異焉童州人學記誦出他兒上稍從鄉先生受賦年未三十四赴殿廷擢承安二年乙科釋褐長垣主簿縣瀕大河時新被水害

東昌府志

卷之四十五

冢墓

四

廬舍漂沒城壁頽圯公日以救災為事公解已毀僑寓編民家上漏下濕若不可一日居者公泰然安之而不以煩民也初水壞廟學先聖十哲塑像遷開封縣之清岡安集稍定首建新學躬率吏民迎奉以歸其審於先後緩急類如此縣民佃鎮防軍田既於墊有未嘗投種者營卒恃勢在租不少貧民無所於訴任其凌轢有奪之牛者公捕擊之白按察司嚴督主兵者視實種如千收入幾何輸之詎租者不得逞佃戶以安流散來歸者十倍其初士子樂廟學植碑頌之再任南樂簿適令闕公攝縣務南樂劇邑民頌事殷號為難理署事之初有惡子號舍五十者以公書生易之詣縣廷自陳云民以受杖自拌敢以獻公諭之曰國法加有罪者汝無罪杖之何名惡子又謂公為懦也乃公為橫恣無所顧藉不數日以故歐被訟公滅之市三日切責之科決無所增而其受痛至移晷之久惡子慚恨自斂迄終更境內寬狹無復犯者期教諸子學不聽外出每患經史不備妨於指受或言文士李夏卿家文籍甚富假借用之宜無不從

公曰夏卿藏書我寧不知然渠家闔縣首戶予雖會
同塲屋今部民矣與之交還可乎是後邑子有來請
益者亦謝遣之識者以爲治官有業與農功無異農
夫噓牛曝背寒耕熱耘知有盡地利而已終不以逢
年爲幸也惟其治田不鹵莽故田亦不鹵莽報之初
蚤有時譽聞老師宿學論義爲多纔佐二縣仕之公
筵乃能以任重道遠自力若將死而後已者其宏毅
爲可見之矣卒之吏畏而愛民愛而畏藹然有良吏
之風猶之於農其不以逢年爲幸者與秩滿遷彭州
順安合挈家北赴過廣寧愛其山水清美且去瓜時
尚蚤也姑留寓焉不幸遭疾以泰和四年十二月之
八日春秋四十有二女姪恩過所生撫孤者以爲難能
習於儒素之訓二女姪恩過所生撫孤者以爲難能
後公二年卒子男四人長曰安上初應進士舉晚乃
學道次安長早卒次安石貞祐二年詞賦進士舉晚
先達而能謙嘿自將正大中臺省交薦拜監察御史
時論以剛柔適中歸之北渡後被召授參議京兆宣
撫使司事改佐河平軍儲次安圍以廡補監涇陽稅

東昌府志

卷之四十五 冢墓

聖

司卒女三人長適鄆陵醋務監馮鵬舉次未笄而天
孫男四人口遺餘早卒安世旣通貴得贈公中大夫
輕車都尉天水郡開國伯夫人天水郡太君初廣寧
受兵安上等崎嶇百死中扶護東還藁葬於縣北大
李莊之某原是後伯仲季偕歿獨安世流寓河南汴
梁旣下猶復旅食異縣蓋四十年後始用今年七月
日改卜舉公泊夫人之柩祔於先塋之次禮也安世
旣襄事訪其於鎮陽弟四百拜請曰先大人之葬棺
椰衣衾不能無悔顧已無及矣今墓已樹木寂無旌
紀其何以贖有而不彰之罪乎高聘君哀安世不天
旣銘誌石矣聞之諸公謂吾子紀述國來公卿賢大
夫言行以傳不朽不勝區區之情敢以墓碑爲託某
再拜曰固所願也乃爲之銘曰受質堅白無磷縹持
心權衡平設施古難其人公如斯行可士知政吏師
百未一試遽奪之彼囂臺老誰所資碑石有銘
無媿辭網羅放失會有時幽光發越兮神匪私

李全墓 王若虛 文集

虞集初賜瑯琊公王氏先德之碑元統元年十月二十
八日中書右丞相伯顏等言於上曰中書左丞王
懋德蒙恩褒贈其三代久矣謹具石表先塋以俟皇
上之恩澤謹以刻文屬諸國史虞集制曰可臣集受
命按王氏系出瑯琊自宋初占籍高唐金人入中原
有爲宋將以其軍南渡而族人留居焉國初里中八
九十歲老人能言王氏數有衣紫佩金魚者歲時上
冢必爲王氏子孫言之而譜牒軼於兵諱字爵謚不
復聞有諱善者勤儉自保不忘於學與人居恂恂然
足跡未嘗至公府平居寡疾性不餌藥目能視遠至
耄不衰生逢亂離鄉里親戚多不免於難每誦佛書
以致其悲思至元十年卒年八十二夫人周氏生二
子曰玉先卒曰繼幼以孝弟聞年二十九而歿今贈
嘉議大夫兵部尚書上輕車都尉追封瑯琊郡侯夫
人薛氏追封瑯琊郡夫人子男四人曰祐字景福者
參政公也是時方用兵江南大發民爲兵公之祖若
父旣歿薛夫人寡居公纔十有七諸弟更幼於是公
告其母曰自先世粗有田業視其籍不能已於行與

東昌府志

卷之四十五 冢墓

聖

其私胥吏以幸免將不勝其誅求奮身戎行男子之
事也安知其不可立功成名乎夫人勿以兒爲憂也
薛夫人泣涕而遣之遂行從攻襄陽二年克其城軍
中以公善書計推擇爲吏軍帥總兵守通州立安
司兼治軍府之事州民新附未闕於國制多犯禁者
公爲教飭而調護之其民遠罪而心服遂以無事坐
曹終日觀古人之書以自勵以廉能聞淮東宣慰司
辟爲掾弗果從事鎮江總管府遷丹陽左史今制郡
縣及五品以上官府行省爲調年勞吏一人爲之僚
領案牘之會位在命吏之亞於事無所不得與聞公
任是職歷杭之鹽司澉浦之市舶饒之餘干常之總
府昇之溧陽所至有能聲其在丹陽表閭巷以正民
俗治亭驛以待過客民不知勞行省求故宋公田而
增其租以力爭之民懷其惠以爲前後來佐縣無如
公者或值貧虐者至相與斬之曰此吾王君耶在杭
州鹽司無所取於人家甚貧長官念之出公帑羨餘
使貸得子錢以自養公辭之其後官錢法密或以是
重罪獨公介然無所預人服其先見在餘干民有竊

王若虛李仲和墓碣銘若虛有心矣曰李君諱全字仲和博州高唐人孝於親順於長仁於僕妾其待友朋尤推誠尚氣節確乎可託以死也然性介少諧合素不爲鄉曲所重徑行直視傍不覩太山輕薄子戲侮其後而不知覺人以爲癡而笑面目嚴冷踈於禮貌箕踞袒跣不能一作謹媚狀向人人復以爲傲而怒志大論高以匹夫憂天下每欲危言叫閭闔以取時名而不計其利害人又以爲狂而哀然仲和俱不屑也明昌間予以從師客縣中閉門索居不妄應接而思與跌宕不羈之士游旣得仲和語合意豁然大適爲忘形交从之益親一日不見相覓如求亡仲和好古文而尤喜論詩譏彈激賞中其美疵睥睨儕流鮮能滿其意者始以詞賦干有司累不合旣易經學遂克取高捷驚人尋復齟齬然志愈厲氣不少衰謂富貴終可致後去家游京師徧謁一時鉅公顯人間投之以所業冀幸感動借聲勢因有所諧卒不售也予與仲和別十年閱人益多觀交能益熟而思仲和益深日在雕陰嘗得其手書并雜著盈卷覽之太息

東昌府志

卷之四十五 冢墓

三

悵然有懷以爲昔人相憶或千里命駕東垣去齊西非甚遠平居多暇獨不能一徑往握臂道宵臆何耶秩滿東還當必遂此心若復不獲茲則有數歸及相臺或告仲和卒矣且曰渠比復事浮屠學參究孜孜自以爲有得旣又習辟穀法因不食死仍說偈言以辭世云嗚呼仲和素嗜雜學聞輒歎慕予嘗力排之能折其口而不能奪其心也其竟以是終乎予媿仲和見遇之厚而不能報憐其有志而卒窮不偶恨其思之十年欲一復見而弗果乃書其行已之概而爲之銘將寄其家俾刻諸其墓以寫吾心以傳諸後世以慰仲和之靈焉仲和無子取其兄子爲後春秋若干卒於某年某月日而葬以某月日銘曰維世之交其道以市權奔利合否焉則止面而不心潛潛肯是有不其然如吾李子不幸短命死矣

元閻復墓在城東二十里葉官莊

舊志

王氏塋在城西南二十五里

舊志云王氏塋在城西南二十五里左丞墓

人而偶傷人者吏當之死公曰良民也迫於饑寒耳已非其初意豈有傷人之情乎決而遣之常州丘後民間事多草創公不以矯訐立名不以因循廢事簿書期會之間民有所不便法有所未安或委曲必期於中禮乃已在官未嘗妄施鞭扑有小過教之使改不幸罹法不可免則哀矜以道之苟可減則減可緩則緩是以得公爲佐者上無失刑下無廢人也移調溧陽卒於位民亦至今猶思之今贈中奉大夫河南河北等處行中書省參知政事護軍追封瑯琊郡公娶同里吳氏先公二年卒追封瑯琊郡夫人子曰懋德今中書左丞也娶下邳張氏封瑯琊郡夫人孫男克修秘書監著作郎曾孫男二人縣縣老老王氏之瑩在高唐之西游家里懋德嘗謂臣曰昔先君以早從軍不得肆意於學問及仕吳越間故宋學士大人縉紳先生多有存者公事之暇得以考德問業焉自六經諸史莫不徧讀久而益精時與客論治亂成蹟首尾歷歷得其情致如身親見之宿學先生自以爲不及事上官必本於誠待下必主於恕故雖以

東昌府志

卷之四十五 家墓

四

小官終其身藹然有譽於當時而流澤於子孫非偶然也懋德始就外傳程其課業甚嚴旦暮歸省每侍立逾時不敢退自經義時務處已待人之法貪廉義利之辨引援譬喻使之通習未嘗稍假以顏色或曰君一子宜稍寬之公曰有子不教我之罪也是以懋德粗守禮律宜學以至於今不至廢墜以傷朝廷用人之明則皆先君之教也吳夫人相先君能儉約以成其廉食無重味衣具淙濯齒無金寶之飾身無綺繡之華待妾御寬而有禮視庶子不異於已出終身不見怒詈而家自肅如也及懋德得厚祿夫人年且高足以爲養而夫人猶日親紉緝懋德率子婦乘間言曰夫人可稍自逸乎夫人正色曰衣服之供婦人之職也汝敢有其厚祿乎自是家人以下惴惴然不敢稍懈怠而懋德得自守以成先人之志不別治生以求贏而妻子安之者母夫人之教也先君歿時庶弟懋昭懋功懋敬長者纔十五餘則甚幼懋德以先人之教之今幸皆以儒試吏粗有成立而克修亦不敢令廢於學也臣聞其言而感焉以爲懋德蒙上

知遇身歷顯要其本有所自立哉
臺書榘除戶部主事拜南行臺監察御史內臺御史副使天歷初召僉中政院拜左司郎中陞參議明年立詹事院改詹事參議未幾復參中書俄拜治書侍御史謁告歸高唐召還以疾未愈辭又拜太禧宗祿副使又辭上使近臣爲書諭之來又辭久之遷淮西廉訪使遷江浙行省參知政事召拜資善大夫御史中丞尋拜中書左丞在行臺時言海北徭民之亂蓋有司多攝官無愛民之意所致也窮之以兵不若喻之以理憲司如其言兵不用而叛者服居者安又言貪暴吏不得志於良民入其罪而擅楮其門非與人爲善之意必請於朝而後可從之在河南言臺官爲權臣倒刺沙所羅織下獄賈胡積年獻寶以罔朝廷必空國賦以與之官吏以贓敗者既伏其罪又欲誣而改之皆非祖宗立風憲之意當是時無敢言者此章上中外肅然在燕南時太名廣平饑有司請度地計口則費寡判其書曰非一視同仁之意也爲請

東昌府志

卷之四十五 冢墓

五

於朝得鈔十萬粟二萬五千計口全活者二十萬餘舊制罪囚因盤詰而自首或以所得贓還主者得減罪免刺而用刑者不知用則爲之申請使人得遷善焉在淮西取郡縣囚繫親錄之閱實其贖必得其情而後已是以註誤得釋者六人坐誤寬得減死者數千人民以爲神明去淮西之日民相持泣不聽去蓋其明恕平反者甚衆類如此在省臺每入殿中奏事獻替黜陟皆係國體人才之大者數對詳明辭氣愿欵先帝每顧視之曰王侍御識治體有君子之風廊廟遠大器也屬意甚厚又嘗侍祠南郊見懋德以侍御史冠佩裳衣攝助奠官在天子後玉立長身肅然以溫侍從者咸嘆以爲有德之容也詩曰如珪如璋令聞令望豈自外至者哉自其家之雍睦所養者厚矣臣嘗爲著德符堂記以爲今所得者因於昔矣今其家父子守先德不敢廢墜則今將爲感而後復應之其所以爲國家用者詎可量哉故爲之銘詩曰高唐之墟瑯琊來居歷數百年桑粉翳如戴白之老習知其素結綬擁戟有文有武陵高峇深物以代遷孰

爾興孰強而壽君子有家世保令德我蓄我金
書年不及秩毫期在堂寡幼在室天誘邇邇俾
奮以與荷受前馳嬰城以升乃治軍書佐於幕府強
恕而行莫予敢侮新造之邦俗不識禁在宥以教我
翼我蔭積勞以遷屢佐列城贊之用寬民用不驚位
雖不充盛德則有於粲輝光紆鬱之人在今之丞奉
其教忠非禮弗履非經弗窮侃侃在朝不徐不亟言
端氣溫爲國司直先帝有言我之棟梁金玉遺音云
何可忘出入踐敷王事靡盬道經先廬亦莫敢顧鬱
鬱舊阡恩命維新詔勒斯文以勸後人

皇姑墓在城東五里

州志

朱封翁墓在腰站西南三里

全

恩縣

東門府志

卷之四十五

冢墓

哭

唐羅士信墓在舊治東南士信歷城人從秦王擊劉黑

闥守洺水城陷不屈死移葬於此

縣志

宋孟克從墓在平樂鄉德化里卽今四女樹

瀛州防禦推官楊詡誌曰克從字審言甘陵東陽人
也姓孟氏本魯公族孟懿子後世多以儒學顯亞聖
大賢軻漢博士喜唐尚書簡皆公之先也五代離亂
公之高曾養志隱遯逮公之祖諱濬始應神童舉聰
悟有名於時神童之子曰誨字量恢廓風議挺特侔
儻豪俠人多愛慕之誨生二子長諱慶次卽公也淳
仁好義性謙口明學專春秋兼通公穀左氏之傳至
於陰陽方論無不洞達探蹟淵蘊而見於用事父母
以孝聞事兄以悌撫下以恩闔門百口雍睦之譽聞
於內外訓子孫以詩書擇賢師良友與之共處歷歲
孜孜未嘗以倦期於成立而後已故其子孫多以經
明行修起家素富有不求多藏厚積未嘗問有無兩

惟好施與或有所不得其所而窮困與夫疾病者則用粟帛以拯濟之醫藥以救治之居人遠近無不獲其惠澤君子長者之德藹然著聞嗚呼可謂賢矣使其位於朝功烈見於天下其可量耶以康定元年五月十一日終於家享年七十以子貴仁宗英宗今上朝疏恩累贈衛尉少卿娶孫氏追封富春縣太君皇宋熙寧七年秋九月一日丙申嗣子奉公與孫夫人同葬於恩州歷亭縣千樂鄉德化里銘曰安仁篤義姓名而賢五福斯備百行斯全有陰德者必享報焉慶貽後世盛大縣縣

元郭仲彬墓在四女樹衛河東減水開南上

東昌府志卷四十六

物產

郡土平原曠莽鮮奇卉異木蹄角羽毛之珍大較千畝之家千樹梨棗牛數具羸馬百蹄園畦蔬果稱是聊城莊平多馮鹵百姓煮鹽餬口有司厲禁不出境莘之三門善陶器岳高唐恩縣宜縣江淮賈客列肆齎收馬頰之陂有鱗介居民以間採捕非其業也總之地寒土疏獨宜畜牧墾蠶之利什居六七闔境桑麻男女紡績以給朝夕三家之市人挾一布一縑易僸石之粟紬纊惟東昌府志卷之四十六 物產 一

冠縣之清水稱良餘產州縣俱同各識其名於左

穀有黍稷芝麻麥豆數種林稻地燥不甚宜

木有榆柳二種椿樗桑有樵荆槐楊青白二種桐栢楮杜柘

果有棗五種梨六種桃數種李四種石榴沙果一種蘋婆林禽文官

葡萄核桃棠梨櫻桃恩志物產有條理郡屬大槩皆同故用之下全

瓜蔬有黃瓜胥瓜甜瓜西瓜冬瓜南瓜絲瓜葫蘆葱芥

韭蒜菁薑茄瓠羅蔔三種蒼蓮芫荽蒿菁白菜芹波薺

莧馬齒莧白花菜菁苣荳甘露一名玉環菜豆生菜

貨有綿白紫二色絲布絹紬綾縐縐縐蠟香油麻油菜油綿

子油紅花硝賺柳箕荆筐帚桑紙

藥有益母草側栢葉菟絲子酸棗仁桑白皮瓜蒌仁枸

杞苦丁香天花粉蕭蓄斑毛瞿麥艾車前子葶藶蒺

藜馬蘭瓦松杏仁桃仁鳳眼草紫草乾菊花菖蒲地

錦草草麻子薄荷紫蘓小薊茵陳香附子劉寄奴馬

兜鈴生地黃急性子麻黃槐角牽牛牛旁子茴香山

藥

花有葵牡丹芍藥

數種

石竹玉簪金雀榴菊海棠刺梅卷

丹金盞月季鷄冠夜合藤匾竹迎春柳薔薇鳳仙萱

東昌府志

卷之四十六

物產

一

夜落金錢剪秋羅木槿地棠剪紅羅山丹碧桃紫荆

紫蝴蝶丁香水蓬茶蘼蜀葵珍珠花金簪轉竹蓮藤

花洛陽葵

草有雀葦

可織蓆

苜蓿蓬藍

三種

浮萍蒿茅節節草莎草白

草虎鬚夏枯馬稍莠苔薜翠草

禽有鴉鴨鴿鳥雉雀鳩鵲鸚鵡鸚鵡鵝鷹伏翼啄木桃

蟲即巧

水鴨紫燕黃鸝鴉鶯鶯黃雀蠟嘴

獸有騾驢猫兔獾狐貉

魚蟲有鯉鮒魴鮎鮑鰱鱈金魚銀魚鰕龜蠓蠶蜂蠶各蟲

斯蟬蟋蟀螳螂蛙螟蛤鼠蝟蝻螂壁虎雉鷄地羊
胡蛭蜥蜴蛇蜻蜒蝴蝶蜘蛛蝦蟆

禹貢兗州蠶桑職方氏云兗州其利蒲魚其穀黍稷
稻麥四種今東昌產稻之處甚少蓋郡境不能盡兗
州之域也舊志穀木果蔬藥貨花草毛羽鱗介及諸
貨之類臚列不少要皆他郡所同其多而且善者如
聊城之氈罽恩之麥麵博平之棗荏平堂邑之梨高
唐州之玉環一名甘露豆吉貝冠則清水之紬莘則三門
之陶若夫蓑蓐席南粉雖見於唐宋地理志未聞也

東昌府志

卷之四十六

物產

三

隋圖經云清河絹為天下第一亦未必然其土貢禹
貢有漆絲今漆不聞有產也唐時博州其貢平紬綾
縐絹貝州其貢絹氈宋博州恩則貢白氈靴氈絲布
縐絹元東昌路設獵戶貢諸皮明無獵戶而諸皮之

貢不革

隋書經云清河絹為天下第一亦未必然其土貢禹
 貢有漆絲今漆不開有疋也唐聘博州其貢平紬綾
 絳絹貝州其貢絹羅大博州羅則貢白氈靴氈絲布
 織絹元東貝
 官不革

